

Homenahe na Maybelline Arends-Croes y Diana Antonette

STA. CRUZ -- Biblioteca Nacional Aruba a habri Luna Cultural 2008 cu un homenahe na Maybelline Arends-Croes y Diana Antonette. Cumpliendo cu e peticion di Biblioteca Maybelline y Diana a prepara un presentacion cortico. Nan a cuminza cu e cantica "Aruba nos ta stima", letra di Maybelline

Arends-Croes, sigui pa "Cabayito di Shon Alfredo" di Sixto (Motito) Croes. Nan a caba nan presentacion cu e cantica "Chanita", letra di Hubert Booi y musica di Rufo Wever y Padu Lampe. Maybelline a percura pa e musica y cantamento y Diana pa e baile y actuacion. Nan tabata acompaña pa un paar di integrante y musico

di grupo Melange, dos alumno hoben di e school di baile di Diana Antonette y Diana su yiu Alydia a balia/actua cu Diana den Chanita. Bunita presentacion cu a demostra talento y pasion pa musica, canto y baile. Biblioteca Nacional a obsekia Maybelline y Diana un mata den un vaas elegante cu un bunita inscripcion.



Programa di Television tocante Nos Infraestructura & Turbo Rotonde Pos Chikito

STA. CRUZ -- Minister drs. Marisol Lopez-Tromp ta invita Pueblo di Aruba pa sintoniza Tele Aruba canal 13, awe Diarazon 17 September 2008 pa 9:00pm pa un programa special informativo tocante desaroyonan riba tereno di infraestructura entre otro construccion di turbo rotonde na Pos Chikito y e brug pa cruza e caminda grandi. Pueblo di Pos Chikito y vecindario mes a pidi pa haci e trafico na e cruzada mas sigur y tambe pa construi sea un brug of un tunnel. E rotonde di Pos Chikito tabata un inversion di 3.264.600 florin por medio di fondo di carretera. Ademas renobacion di carretera entre Drive Inn y rotonde Pos Chikito por medio di wegendienst di DOW a costa 400.000 florin.

Sintoniza y keda bon informa:

